

Prome Minister:

Plaza Padu lo bay ta conectando e edificionan historico na Playa

ORANJESTAD(AAN): Tempo cu e Gobernacion anterior a sinta, por a mira un deterioro den centro di ciudad. Tabata tin hopi edificio institucional, manera bestuurskantor, edificio di corte, watertoren, edificionan manera unda awe Dimas y Labor ta ubica, DOW, JF Kennedy caminda cu pronto lo cuminsa cu renobacion, caya grandi mes, cu tabata den deterioro total y centro di ciudad tabata bayendo atras mas y mas, caminda cu cierto momento e gobierno anterior hasta a pone un chollerhouse mey mey di centro di ciudad, cu tabata e final di caya grandi, segun prome minister Mike Eman.

Ora cu e Gobierno anterior tabata desmantelando nos centro di ciudad y hasta kier a bay over na bende e edificio di gobierno, e edificio di parlamento, AVP a tuma un postura hopi fuerte. Prome Minister a para pa e hecho cu nos pais mester tin un gobernacion, un gobierno, un instituto cu ta nacional di e pais, cu ta bo edificio di gobierno, bo parlamento y nunca esey por tin un prijs. A bringa duro e tempo ey y

acopla na dje un edificio nobo pa asina e ta funcional, pasobra, berdad ta cu durante añanan e ta bira mas chikito pa e aparato gubernamental y añadi na henter e ambiente den centro di ciudad, un plaza cu ta conecta tur cos hunto.

Un idea inspira riba binnehof di Hulanda na Den Haag. A bay eleccion cu e idea aki y di biaha cu a drenta den gobernacion, a cuminsa traha di biaha riba e tema aki y a pone hopi esfuerso den diseña e renobacion di centro di ciudad, ehecuto proyectonan pa renobacion di centro di ciudad y pa asina percura pa hunto traha duro pa awe henter centro di ciudad ta renoba. A hay'e importante pa conecta e edificionan historico tur hunto cu un plaza y un bunita persona pa dedica e plaza aki ta e compositor di nos himno, Padu Lampe y a dedica e plaza na su number, Plaza Padu y a desaroya un estatua cu ta cla caba, cu ta un monumento cu ta rindi homenahe na Padu y tambe na e dos otro compositornan di nos himno, kendenan ta Lio Booi y Rufo Wever. Nan tur dos ta para hunto, banda di e piano, manera un recreacion



diferente momento, pasobra Padu a hacie prome cu Rufo Wever y añanan despues cu e coupletman nobo, el a hacie cu Lio Booi. A trece nan hunto den un monumentonan y dia 17 di Maart anochi, lo devela e monumento aki, den un ceremonia gigantesco di henter Aruba. Un momento nacional, caminda cu lo tin un evento riba Plaza Nikki Habibe, caminda cu esnan cu ta articula historia, identidad di Aruba, den e temanan


tradicional di Aruba, manera cu Etty Toppenberg ta haci tur diabierna riba e plaza. Banda di Plaza Daniel Leo, lo dedik'e na un aspecto musical di hoben, hobennan cu ta resaltando na e momentonan aki den musica na Aruba y riba Plaza Padu, lo tin e momento protocolario caminda cu lo devela e monumento y dedik'e cu un orkestra nacional di Aruba, na Padu y tambe naturalmente na Rufo Wever y Lio Booi.

E lo ta un anochi hopi bunita, segun mandatario.

Tin nos tata di cultura den oracion. Su situacion ta hopi delicado, pero sa cu su curason tambe ta palpita pa yega e dia aki pa por mira e momento. A dun'e diferente sabor di dje caba si dia cu a pone e prome piedranan pa e plaza. A invit'e y e tabata tey presente. Algun dia pasa a hib'e tambe pa wak e monumento y despues a bay cu n'e tambe riba plaza Padu y mustre henter elugar caminda e por haya e sabor di e gran reconocimiento cu Aruba lo dun'e riba 17 di Maart y 18 di Maart lo tey riba Plaza Betico pa e parti protocolario cu ta haci normalmente dilanti bestuurskantor y pa reemplaza e 17 cu ta haci eyan, lo pone e parti protocolario eyriba y dia 17 lo ta grandi y 18 lo ta grandi e dianan nacional di nos pais, e mandatario a termina.



a bin cu un vision con por salba e bestuurskantor, pero di e momento cu nan a pensa hunto riba e himno, tur na



Aruba Birdlife Conservation di bishita cerca nos Gobernador



Oranjestad – Riba dialuna, 30 di januari 2017, Gobernador Alfonso Boekhoudt a ricibi e calendar di pahra di Aruba di Greg Peterson di Aruba Birdlife Conservation. Diez diferente fotografia a contribui na e proyecto aki. Esaki ta e di nueve calendar di ABC y e di dos biaha cu Hilton Aruba Caribbean Resort and Casino ta e patrocinador.

E calendernan ta costa 15 florin y e entrada complete ta bai na e Fundacion Aruba Birdlife Conservation. Por hanja e calendernan na Huchada na Santa Cruz y na Best Deal na Paradera.